



ASTEASUKO UDALA
(GIPUZKOA)

**JON GIL BELTZA JAUNAK, ZUZENBIDEAN LIZENTZIADUNA, ASTEASUKO
UDALEKO BITARTEKO IDAZKARI-KONTUHARTZAILEAK,**

ZIURTATZEN DU:

Udalbatzak, 2018ko ekainaren 26an eginiko bilkuran, honako erabakia hartu zuen, A.F.A.ren 206 artikulua salbuespenarekin:

Gipuzkoako Ur Kontsorzioa.

2009an Asteasuko Udalak Uraren Ziklo Integrala kudeatzeko Gipuzkoako Ur Kontsorzioarekin izenpetu beharreko lankidetzaren hitzarmena onartu zuen eta ondoren sinatua izan zen.

Hitzarmenaren arabera, Gipuzkoako Ur Kontsorzioak Asteasuko udalerriko Uraren Ziklo Integralaren kudeaketa gain hartu zuen 2009an.

Aipatu hitzarmenak gutxienez 10 urteko iraupena du, 2019ko ekainaren 30a arte.

Gipuzkoako Ur Kontsorzioak dagokion azterlan ekonomikoa aurkeztu du.

Une honetan, Asteasuko Udala herriko plaza urbanizatzeko lehenengo pausuak ematen ari da; horien artean, urbanizazio proiektua idatzi du, eta bertan ur hornidura eta ur zikinen saneamenduaren separata jaso da. Azken honekin bat, 85.118,51€koa da Ur Kontsorzioak Udalari ordaindu beharreko kostea ur hornidura eta ur zikinen saneamenduak sortutako obren gastua.

Hori dela eta, Ur Kontsorzioak jakinarazi dio Udalari indarrean dagoen hitzarmenaren epea ez dela nahikoa aipatu gastua amortizatzeko eta beharrezkoa jotzen duela beste hitzarmen berria sinatzea, uraren ziklo integrala hitzartuta jarraitzeko beste hamar urteko epez.

Amaitzeko, Gipuzkoako Ur Kontsorzioak jakinarazi dio Udalari, beste hainbat udalerrietan egiten den moduan, bere baliabide propioekin horien hiri hondakin solidoen bilketa zerbitzuagatik tasaren bilketaz arduratu daitezkeela, Udalari inolako koste gehigarririk sortu gabe.

Ikusirik Asteasuko Udalak 2018ko azken hiru hilabeteetan egin nahi dituela Lege Zaharren enparatzaren obrak.

Ikusirik egokitzat jotzen dela hiri hondakin solidoen bilketa zerbitzuagatik tasaren bilketaz Gipuzkoako Ur Kontsorzioak arduratzea, hark jakinarazitako baldintzetan, hots, Udalari inolako koste gehigarririk sortu gabe.

Hirigintza eta Obretako Informazio Batzordeak aurretik irizpena eman du.

Beraz,

ERABAKI DU

LEHENA. 2019ko urtarrilaren 1etik aurrera uraren ziklo integralaren kudeaketaren eskaintza ematen jarrai dezala Gipuzkoako Ur Kontsorzioak, zeinaren kide den udal hau. Zerbitzu hau emateko Gipuzkoako Ur Kontsorzioak Gipuzkoako Urak SAren bidez egingo du.

BIGARRENA. Onartzea Uraren Ziklo Integralaren kudeaketarako lankidetzaren hitzarmenaren testua, eta ondorioz, Gipuzkoako Ur Kontsorzioaren esku utzi uraren ziklo integralaren eskaintzaz gatik tasen eta prezioen kudeaketa, kitapena eta bilketa eta hiri hondakin solidoen bilketa zerbitzuagatik tasaren bilketa.

HIRUGARRENA. Uraren Ziklo Integralen kudeaketarako, Gipuzkoako Ur Kontsorzioarekin izenpetu beharreko lankidetzaren hitzarmen berriaren sinadurarako ahalmena ematea Asteasuko Udaleko Alkate-Lehendakariari.

LAUGARRENA. Erabaki honi, eta bere edukia erantsi onartu den lankidetzaren hitzarmenaren testua, 1. Eranskin moduan.

I. ERANSKINA

URAREN ZIKLO INTEGRALA KUDEATZEKO LANKIDETZA HITZARMENA

ASTEASUn, 2018ko xxxxxxxxxx xxa

BILDURIK

Alde batetik, Olatz Peon Ormazabal andrea, duen herri-kargua dela eta bere xehetasun pertsonalak agertzeko beharrik ez duena.

Eta bestetik, Pilar Legarra Kortajarena Andrea, duen herri-kargua dela eta bere xehetasun pertsonalak agertzeko beharrik ez duena.

ESKU HARTZEN DUTE

Olatz Peon Ormazabal andreak, GIPUZKOAKO UR-KONTSORTZIOAREN izenean, joan den 1998ko otsailaren 20ko GAOean argitaratu ziren erakundearen Estatutuek diotenaren arabera duen ordezkari-tza erabiliz.



ASTEASUKO UDALA
(GIPUZKOA)

Pilar Legarra Kortajarena andreak, ASTEASUKo udal Gorenaren izenean, Alkate-Lehendakaria izanik eta joan den 2018ko xxxxxxxx xxan egin zen Udal-Korporazioaren Osoko Bilkurak hartutako erabakiaren arabera egintza honetarako baimendua izan denak. Aipatutako erabakiaren ziurtagiria Udaleko Idazkariak izenpetuta hitzarmen honi eransten zaio.

XEHETASUNAK

Lehenengo.- Gipuzkoako Ur-Kontsortzioa Gipuzkoako hainbat udalek –horien artean ASTEASU– eratu duten elkarte-oinarria duen zuzenbide publikoko erakundea da. Honako hau da erakunde horren xedea: *“sare primarioetan saneamendua eta ura hornitzeko azpiegituraren ezarrera eta ustiapena eta dagozkion zerbitzuak prestatzea, guzti hori baldintza egokietan eta indarrean dagoen araudiaren arabera.”*. Estatutuetoako xedapen horren arabera, Kontsortzioak ASTEASUKo udalerrian saneamendua eta ur-horniduraren “goiko” sarearen zerbitzu publikoa kudeatzen du.

Bigarren.- Kontsortzioaren Estatutuen 7.2. artikulua honela dio: *“hala erabakiko denean, Kontsortzioak ur-zikloaren helburuak zabal ditzake, interesa duten udalekin ados jarrita eta haiekin dagoen hitzarmena izenpetu ondoren”*. Kontsortzioko Batzar Nagusiak joan den 2000ko abenduaren 21ean egin zuen bileran hartu zuen erabaki hori.

Era berean, Udal Erregimeneko Oinarrien 7/1985 Legeak, Udalek, horrela nahi dutenean, Hornidurako eta Saneamenduko Zerbitzua modu Kontsortziation eman dezaketela ezartzen du.

Hirugarren.- GIPUZKOAKO UR KONTSORTZIOA toki-erakunde den aldetik, zerbitzu publikoak prestatzeko modu desberdinak erabil ditzake, beti ere, lege xedapenen arabera –Toki-Jaurbidearen gaitan indarrean dauden lege-xedapenen eraberritutako Testuaren 110.5. art.– eta estatutuetoako xedapenen arabera –9. art.–. Zentzu horretan eta bere zerbitzuak kudeatzeko GIPUZKOAKO UR KONTSORTZIOAK kapital erabat publikoaz osatuta dagoen sozietate anonimoa du eratuta: GIPUZKOAKO URAK E.A.

Laugarren.- ASTEASUKo udalak interes handia du URAREN ZIKLO INTEGRALAREN kudeaketa, bi sareen kudeaketa sartuz, “goia” eta “behea”, baita beharrezko diren inbertsioak egitea ere, GIPUZKOAKO UR KONTSORTZIOAREN eskuan jarraitzea, Gipuzkoako Urak, E.A.-ren bitartez.

Beraz, beharrezko lege eta jardutze-ahalmena ezagutzen diote elkarri eta HITZARMEN hau izenpetzea erabaki dute ondorengo atalen arabera.

ATALAK

Lehenengoa.- ASTEASUKo udalak, hitzarmen honen ondorioz eta *Udal Erregimeneko Oinarrien 7/1985 Legearen* arabera, URAREN ZIKLO INTEGRALAREN

kudeaketa GIPIIZKOAKO UR KONTSORTZIOAREN esku, Gipuzkoako Urak, E.A.-ren bitartez, uztea erabakitzen du, honek hornidura eta saneamenduko "goiko" eta "beheko" sareen kudeaketa barnean hartzen ditu, baita beharrezko diren inbertsioak egitea ere. Horretarako, ASTEASUko Udalak, GIPIIZKOAKO UR KONTSORTZIOARI emakida, emarien ustiapenak, azterlanak, proiektuak, sareak eta instalazioak eta kontsortziotatutako zerbitzuak emateko gainontzeko baliabide guztiak ematea erabakitzen du.

Bigarrena.- ASTEASUko Udalak, zuzenbide-ordenamenduak horretarako bidea ematen duen heinean, berak dituen aginpide, eskuduntza, eskumen, ahalmen, eskubide eta betebeharrak guztiak, zerbitzuak eta bere xede eta jomuga diren helburuak ematearekin zerikusia dutenak GIPIIZKOAKO UR KONTSORTZIOAREN esku uztea erabakitzen du.

Hirugarrena.- ASTEASUko Udalak, GIPIIZKOAKO UR KONTSORTZIOAK aurkeztutako azterlan ekonomikoa onartzea erabakitzen du, hitzarmen honi erantsitakoa.

Laugarrena.- GIPIIZKOAKO UR KONTSORTZIOAK ASTEASUko udalerriko URAREN ZIKLO INTEGRALAREN kudeaketa 2019ko urtarrilak 1etik aurrera bere gain hartzen jarraituko du.

Bosgarrena.- Hitzarmen honek gutxienez 10 urteko iraupena izango du. Epe hori pasa ondoren, Udalak erabaki dezake, bere kasuan, zuzenbide-ordenamenduak une bakoitzean bide ematen dion heinean beste edozein modutara zerbitzua ematea, horretarako dagozkion erabakiak hartuz eta indarrean dagoen legediak agintzen dizkion urratsak emanez, GIPIIZKOAKO UR KONTSORTZIOARI sei hilabete LEHENAGO jakin araziz.

Behin hasierako 10 urteko epealdia pasa ondoren, aurreko zatian aurreikusitako berarizko uko egitea ematen ez bada, hitzarmena luzatuta ulertuko da Udalak, bere kasuan, zuzenbide-juridikoak ematen dizkion eskumenaz baliatuz, zerbitzua beste modu batetara ematea erabakitzen duen arte. Hala eta guztiz ere, Udalak, bere kasuan, zerbitzua kontsortziatu eran ematea deuseztea erabakiko balu, deuseztapena baino lehen, GIPIIZKOAKO UR KONTSORTZIOARI ordaindu beharko zaio, zenbatekoa kalkulatu da hartuaz Kontsortzioak udalerrian egindako inbertsioak eta berrikuntzak eta ASTEASUko Udalari emandako kopuruak ken Kontsortzioak ASTEASUn inbertsio eta berrikuntzarako jasotako kopuruak. Kontrakoa gertatuko balitz, aipatutako kopurua GIPIIZKOAKO UR KONTSORTZIOAK ASTEASUko Udalari ordaindu beharko dio.

Seigarrena.- Zerbitzuaren tasak eta prezioak, baita udalerriko abonatuak aplikagarri diren ordenantzak, GIPIIZKOAKO UR KONTSORTZIOAREN proposamenez bere egunean ASTEASUko Udalak onartutakoak GIPIIZKOAKO UR KONTSORTZIOKO Batzar Nagusiak urtero eguneratuko ditu, aipatutako tasen tarifa-egitura aldatu gabe.



ASTEASUKO UDALA
(GIPUZKOA)

Zazpigarrena.- GIPUZKOAKO UR KONTSORTZIOAK ASTEASUKO Udalari bermatzen dio, hitzarmen honen bitartez bere gain hartutako kudeaketagatik abonatuari eta bezeroari doakien edozein informazioari buruzko konfidentzialtasuna eta isilpekotasuna bere langileek gordeko dutela, eta batez ere, Norberaren Datuak Babesteko, abenduaren 13ko 15/1999 Legeak babestutakoak direnean, datu horietara zuzenki edo zeharka sarbidea dutenean edo kontratatutako zerbitzuaren ondorioz ezagutzen dituztenean, zein hitzarmen honek irauten duen bitartean zein hitzarmena bukatutakoan.

Zortzigarrena.- Hitzarmenak izaera administratiboa du eta haren sorrera, uferkuntza, aldaketa edo suntsiarazpenaren inguruan sor litezkeen arazoak administrazioarekiko auzietako jurisdikzioaren aurrean konponduko dira.

Eta guztiarekin bat datozela agertzeko, Hitzarmen hau izenpetu egiten dute, bi aletan eta ondorio batetarako, esandako egunean eta tokian.

ASTEASUn, 2018ko, xxxxxxxx xxa

Eta horrela jasota gera dadin, eta behar diren ondorioetarako, honako ziurtagiria luzatzen dut, Alkate Andrearen oniritziarekin, Asteasu, 2018ko ekainaren 26an.

O.I.

ALKATE ANDREA

